

Sara Olsvig
Inatsisartut Allattoqarfiat

§ 37 Issittumi Siunnersuisoqatigiit_16.05.2013

Naalakkersuisut Siulittaasuata Naalakkersuisoqarfia ulloq 16. maj 2013 Inatsisartut Suleriaasianni § 37 naapertorlugu apeqqummik tigusaqarsimavoq Inatsisartunut ilaasortamit Sara Olsvig-imit, Inuiat Ataqaqatigiit. Apeqqutitut akis-suteqaatit imaapput:

22. Maj, 2013
Suliap normua 2012-062828
Dok. Nr. 1221503

Postboks 1015
3900 Nuuk
Oqarasuaat (+299) 34 50 00
Allakkasuartaat (+299) 32 50
02
E-mail: govsec@nanoq.gl
www.nanoq.gl

Apeqqut:

- 1. Issittumi Siunnersuisoqatigiit suleqatigiiffiannit Naalakkersuisut tamarmi-usut peqataajunnaarallarnarlutik Naalakkersuisunit nalunaarutigineqaqqammerpoq. Peqataajunnaarallarneq tamanna aamma Issittumi Siunnersuisoqatigiit suleqatigiissitaannut aammalu ilisimatusarnikkut suleqatigiinnerannut atuuppa?*

2011-ip ukiaanili arlalinnik ataatsimiittoqartarsimallunilu allakkatigut at-taveqatigiittoqartarsimavoq Kalaallit Nunaata aamma Danmarkip akorn-anni Ministeriuneqarfiup-, Nunanut Allanut Ministereqarfiup-, kiisalu atorfilittatigoortunik, ajornartorsiutaasoq uparuarniarlugu kiisalu svenskit siulittaasoqarfiata nutaamik periuseqalersimaneranut aaqqiissutaasin-naasut appakariarnerusinnaasullu oqaloqatigiissutiginiarlugit. Pisoq ilu-arsineqassanngikkaluarpat Kalaallit Nunaata Issittumi Siun-nersuisoqatigiinniit tunuarsinnaaneranut periarfissaq 2012-ip upernaavaniili taamanikkut Naalakkersuisut Siulittaasorisimasaannit saqqummi-unnearpoq, Nunanut Allanut Ministerimit Villy Søvndal-imik ataatsi-meeqateqarnermi. Taamaattumik Naalakkersuisut ajornatorsiummut aaqqiissutissatut siunnersuummik nutaamik saqqummiussaqaarsi-mannngillat.

Kalaallit Nunaanni Namminersorlutik Oqartussat ulluinnarni Issittumi Siunnersuisoqatigiinni akuunerat pingaarnerusutigut isumagineqarpoq naalakkersuinikkut Senior Arctic Officials-init (SAO), aamma immikkut susassaqarfinnut tunngasuunerusut suleqatigiissitani Conservation of Arctic Flora & Fauna-imit (CAFF), Sustainable Development Working Group-imit (SDWG), Protection of the Arctic Marine Environment-imit (PAME), Emergency Prevention, Preparedness and Response-imit (EPPR) kiisalu Arctic Monitoring and Assessment Program-imit (AMAP)

oqartussaaffigineqartuni. Pissusissamisoorillugulu aammattaaq Task Forces-ini, suleqatigiissitat akimorlugit immikkut suliat assigiinngitsut assigiinngitsunilu immikkut ilisimasaqarfiit sulerinerit malinnaavigineqartarput.

Ajornartorsiut siuliani taaneqartoq tunngavigalugu Naalakkersuisut aalajangiussimavaat suliniarnerit tamaasa, suliniutinut qulaani taaneqartunut attuumassuteqartut unitsikkallarniarlugit aaqqiissutissamik nassaartoqarnissaata tungaanut.

2. *Siunnersuisoqatigiinni siulittaasunngortunut canadamiunut "isumaqatigiinni arnerit piviusumik ingerlanneqalernerat" qanoq iluseqarlutik Naalakkersuisunit ingerlanneqalerpat?*

2011-imi ukiakkulli aamma suliap ingerlanerani tamarmi Naalagaaffeqatigiit aamma svenskit siulittaasoqarfiata akornanni ingerlaavartumik oqaloqatigiittoqartarsimavoq killiffinni assigiinngitsuni, SAO killiffimmiit Nunanut allanut Ministerinut. Taamattutaaq danskit aallartitaqarfii assigiinngitsut kiisalu Issittumi Aallartitat Issittumi Siunnersuisoqatigiinni ilaasortat sinneruttut attaveqarfigineqartarsimapput issittumi illoqarfiit pingaarnersaannut nassuiaatiginarlugu issiaveqarnerit akornanni ajornartorsiorneq aamma tamanna pillugu Naalagaaffeqatigiit aaqqiisoqarnissaanik kissaateqarnerat. Canadamiut siulittaasoqarfiat aallartinngitsorli Kalaallit Nunaanni Namminersorlutik Oqartussat canadamiunut saaffiginnissuteqarsimapput pisoq pillugu killiffimmik ilisimatitsiniarlutik, aammalu naatsorsuutigineqassasoq ajornartorsiut svenskit iluarsivigineqanngippat, canadamiut ikiortigalugit aaqqiissuteqarniarloqarsinnaassasoq. Taamatuttaarlu canadamiut siulittaasoqarfiisaanni sinniisunut suliap ineriartorsimanera ilisimatitsissutigineqarpoq Ministerit ataatsimiinnerini aalajangiisoqannginnerani. Taamaattumik canadamiut suliap pillugu malinnaatinneqaannaavissimapput taassuma ingerlanera taamalu aamma, suliassap maannakkut taakkunaniinnera pillugu. Kalaallit Nunaata/Danmarkip/Savalimmiut akornanni isumaqatigiissutigineqarsimavoq, nunanut allanut ministeriaqarfiup sapinngisamik piaarnerpaamik canadamiut siulittaasoqarfinnit oqaloqatigeqqinnerit ingerlatissagai suliapi sukkasuumik aaqqiisoqarsinnaanera siunertaralugu.

3. *Naalagaaffeqatigiinnut oqaaseqarnissamut piffissaliussap iluani Naalakkersuisut Siulittaasuat Kiruna-mi ministerit pisortatigoortumik ataatsimiinneranni oqaaseqarsinnaasimanerluni, soorlumi Saamit (Saamit Inatsisartuini præsidenti aqqutigalugu) Norge-mit taamatut periarfissineqartut?*

Naalakkersuisut Siulittaasuat pisortatigoortumik Ministerit ataatsimiinnerinut peqataasimagaluaruni oqalussinnaanissamut 1,4 minutsinik periarfissaqarsimassagaluarpoq, naatsorsuutigigaanni naalagaaffeqatigiinnermi nunap immikkoortui pingasuusut piffissaliussatut aalajangiussap iluani oqalussinnaanissaminnik ingerlatsissagaluarpata. Naalakkersuisunullu Siulittaasoq soorluttaaq Savalimmiuni Lagmandi peqataasinnaa-

simangillat matoqqasumik nunanut allanut ministerit ataatsimiinneranut, taanna ingerlanneqartoq pisortatigoortumik Ministerit ataatsimiinnissaat sioqqullugu unnukkut. Ataatsimiinnermi tassani alaatsinaatsut pillugit aalajangiisoqarpoq.

4. Issittumi Siunnersuisoqatigiit ataatsimiinneranni peqataajumanatik Naalagaaffeqatigiit ataatsimoorlutik nalunaaruteqarsimasinnaagaluarpat taamaalillutillu naalagaaffeqatigiit ataatsimiinnissamut ornigutinnigitsuuginnarlutik?

Naalakkersuisut Siulittaasuanit Kalaallit Nunaanni Namminersorlutik Oqartussat Issittumi Siunnersuisoqatigiinni akuunerat sulinerallu unit-sikkallarneqarnikuuvoq. Naalagaaffeqatigiinnermi nunat immikkoortui al-lat ataatsimiinnernut sunulluunniit peqataasariaqarnersut imaluunniit nunani tamalaani suliniutinut allatut ilusilinnut ataatsimeeqataasarnis-saat Siulittaasup aalajangigassarinnigilaa. Pingaarnersaq tassaavoq naalagaaffeqatigiinnermi nunat immikkortuisa pingasuusut akornanni ataatsimoorussamik paaseqatigiittoqarnissaa ataatsimoorussamik si-umut sammisumik sulinisaaq pillugu canadamiut siulittaasoqarfianni ajornartorsiutip aaqqiivigineqarnissaa anguniarlugu.

Inussiarnersumik Inuulluaqqusillunga,



Aleqa Hammond

Naalakkersuisut siulittaasuat